

# КАНОН ПРЕПОДОБНОМУ ДИМИТРИЮ, ПРИЛУЦКОМУ ЧУДОТВОРЦУ

*Память празднуем 11 (24) февраля*

## *Тропарь, глас 1-й:*

Свь́ше от Бóга, преподóбне, благодáть прия́л еси́ духо́вную и от Него́́ у́бо позна́лся еси́, блаже́нне, того́́ ра́ди и ты́́ ду́хом позна́л еси́́ лу́чшая Его́́, бу́дущаго ве́ка пребыва́ние, и по́стнически испыта́вся во сво́их оби́телех. И ны́не, со Ангелы́́ ликовству́я, Спа́су всех за ны́ моли́ся свя́те Димит́рие, да вси́́ вопие́м: Сла́ва Да́вшему ти крѣ́пость. Сла́ва Венча́вшему тя. Сла́ва Де́йствующему тобо́ю́ всем исцелѣ́ния.

## *Ин тропарь, глас 1-й*

Свь́ше от Бóга преподóбне, благодáть прия́л еси́, Димит́рие пресла́вне, и Того́́́ си́лою укрепля́ем, Ева́нгельски ходи́ти изво́лил еси́́, отону́дуже и от Христа́́ возме́здие трудово́м обрѣ́те, всеблаже́нне, Его́́же моли́́ спаст́ися ду́шам на́шим.

## КАНОН, глас 2-й

### *Песнь 1*

*Ирмос:* Во глубинѣ́ постла́́ иногда́́ фараонитское́́ всево́инство преору́женная́́ си́ла, вопло́щшееся́́ же Сло́во́́ всезлóбный грех́́ потреби́ло ест́: препросла́вленный́́ Господь́́ сла́вно бо просла́вился.

*Припев:* Преподóбне́́ о́тче наш́́ Димит́рие, моли́́́ Бóга о́́ нас.

Тебе́́́ твоего́́́ блаже́нне, уче́ния дол́г принося́ще, возда́ния простира́ем, венѣ́ц похва́лам плету́ще; ты́́ же ми́лостив я́вися, пребога́те, тво́ими мо́льба́ми благодáть нам пода́ждь духо́вную.

Преподóбне́́ о́тче наш́́ Димит́рие, моли́́́ Бóга о́́ нас.

Всегуби́тельное́́ стремле́ние страсте́й, о́тче, увяди́л еси́́,

словесным объят Богомудрием, благопребытен бо был еси и благогласен, краток же и смирен, словом премудрости, Димитрие, и разума венчан.

Преподобне отче наш Димитрие, моли Бога о нас.

Священноукрасил еси себе, отче, разумом и детельным видением благодати, Богоглаголиве Димитрие, желая венца славы Христовы, и твою надежду изрядно, преблаженне, не погрешил еси.

*Слава:* Целомудрие удержал еси яве, крайнюю же кратость и высокое, Богоносе, смирение, имиже возвышаемь, трудов твоих действием и видением, радуясь, принесеса, венец неувядаемый прием.

И ныне: Тварей явился еси, Чистая, всех видимых и невидимых превышши, Всенепорочная: Зиждителя бо родила еси, якоже изволи воплотиться в утробе Твоей. Егоже со дерзновением моли спасти поющия Тя.

### *Песнь 3*

*Ирмос:* Процвела есть пустыня, яко крин, Господи, языческая неплодящая Церковь Пришествием Твоим, в нейже утвердися мое сердце.

Преподобне отче наш Димитрие, моли Бога о нас.

Просиял еси в житии твоём, Богоносе Димитрие, якоже всесветлое солнце в мире, и просвети иже к тебе верою и любовью приходящия и поющия тя.

Преподобне отче наш Димитрие, моли Бога о нас.

Просвещаются концы учения твоими, преподобне, якоже бо светильник просветил еси, Богоносе, Церковь Христову, о нейже утвердися мое сердце.

*Слава:* Непорабощену соблюл еси душу твою страстьми и сластьми телесными, Богоносе Димитрие всечестне, темже ныне по достойнию восхваляем тя.

*И ныне:* Сказуя иногда сокровенное таинство, Отроковице, Тебе древле Гавриил зовяше: радуйся, Божия палато, в нюже вселися вся человеки обожь, яко Милосерд.

Господи, помилуй (трижды).

### *Седален, глас 3-й*

Исправлѣние житія твоего всем провещает стопы, Димитрие отче, воистинну верою подобящим ти ся; темже, иже любовью блажат тя всегда, спасай молитвами твоими от всякия тесноты, Христа Преплагаго моля, преподобне блаженне досточудне.

Слава, и ныне: Яко невозделанная, Дево, Лоза, краснейший грозд прозябла еси, источающ нам вино спасения, всех веселящее души же и телеса. Темже яко вину Ты добрых блажаше присно, со Ангелом вопиём Ти: радуйся, Благодатная.

### *Песнь 4*

*Ирмос:* Пришел еси от Девы не ходатай, ни Ангел, но Сам, Господи, воплощся, и спасл еси всего мя, человека. Тем зову Ти: Слава силе Твоей, Господи.

Преподобне отче наш Димитрие, моли Бога о нас.

Ты, Димитрие, инокующим бысть венец, не камением многоцветным украшен, но добродетелию обложен, явился еси, блаженне, Богорадованное воистинну украшение.

Преподобне отче наш Димитрие, моли Бога о нас.

Божественную, Богомудре, почел еси премудрость: темже даровании ты сия одарил, славу вечную тебе ходатайствовавши, отче Димитрие всечестне.

*Слава:* Светлостью нрав твоих и образы благодати, преподобне Димитрие, подобне пожил еси, темже приступен ты всем бысть, всеблаженне и пречудне.

*И ныне:* Умерщвления плод нам Ева принесет, Ты же, Жизнь рождши Ипостасную, абие исправила еси род наш, Богоневесто Пречистая.

### *Песнь 5*

*Ирмос:* Ходатай Богу и человеком был еси, Христэ Боже: Тобою бо, Владыко, к Светоначальнику, Отцу Твоему, от ноши неведения

приведѣние ѿмамы.

Преподобне отче наш Димитрие, моли Бога о нас.

Стремление страстей безстрастием удержал еси, Богоносе Димитрие, видения и деяния просветил еси, отче, душевное устройство.

Преподобне отче наш Димитрие, моли Бога о нас.

Умом чистым и писании духовными беседовал еси, Богоглаголиве Димитрие, видения и деяния собрав богатство, отче преподобне.

*Слава:* Премудрости глубину испытав, Димитрие, достигл еси обрести, елико благопотребно, и бисер многоценный болезнями стяжал еси, преблаженне, разума.

*И ныне:* Се во чреве, Богородице Пречистой, Христа Бога паче слова имела еси, якоже Исаия провозгласи, и выше естества Сего, Богородительнице, родила еси.

### *Песнь 6*

*Ирмос:* В бездне греховней валяясь, неизследную милосердия Твоего призываю бездну: от тли, Боже, мя возведи.

Преподобне отче наш Димитрие, моли Бога о нас.

Вселенней светило пресветлое, отче, явился еси, Димитрие, словес светлостью просвещая верою и любовью к тебе притекающих.

Преподобне отче наш Димитрие, моли Бога о нас.

Блаженное житие прешел еси, наздав убо чувства, вне был еси мирскаго мятежа и Богу приблизился еси, Димитрие.

*Слава:* Яко добр, яко красен венец, имже ныне венчался еси, премудре Димитрие, добродетельми венчаемь, и над страстьми царствовал преизрядне.

*И ныне:* Выше естества родила еси, Дево, и вечноуши Дева, явльши истиннаго Божества Сына и Бога Твоего образы.

Господи, помилуй (трижды). Слава, и ныне:

### *Кондак, глас 8-й*

От юности, преподобне, крест твой взем, Христу последовал еси, в молитвах и пощених, во бдених же и злостраданих плоть твою изнуряя; темже и Всевидящее Око, твоя труды виде, чудесы ты прославляет и всех звати тебе научает: радуйся, преподобне отче Димитрие, постников удобрение.

### *Икос*

Божественными добродетельми твоими себе, мудре, украсил еси, Спасу Христу жилище соделав, отче, мужественне: якоже злато, искусился еси верою к Богу и, надежду и любовь обеты полагая, воздержанием постився, яко безплотен, в целомудрии и во смирении вознелся еси. Темже и мы, молитвами твоими просвещенные, преподобне Димитрие, вопием ти: радуйся, яко измлада Богу послужил еси; радуйся, притекающим к тебе спасения ходатаю; радуйся, христоименным людем похвала и утверждение; радуйся, яко твоими молитвами сопротивнии побеждаются; радуйся, яко всем просящим даеши дар, от Господа дарованный ти, исцелений; радуйся, яко и чудесы ты Бог прославляет и всех звати тебе научает; радуйся, преподобне отче Димитрие, постников удобрение.

### *Песнь 7*

*Ирмос:* Богопротивное веление беззаконнующаго мучителя высок пламень вознесло есть. Христос же простре Богочестивым отроком росу духовную, Сый благословен и препрославлен.

Преподобне отче наш Димитрие, моли Бога о нас.

Благоухают, преподобне, твоих учений словеса, благодатию Духа сияюще, Божество бо Единое чтый в Трех Лицах, Слова же воплощение поя, благоухаеши нас, пребогате.

Преподобне отче наш Димитрие, моли Бога о нас.

Ума чистотою и помысла, Богоразумия светлостию житие прешел еси, чистотою же телесе и девства сиянием

изрядно возложение явлься Всевидцу и Вседержителю.

*Слава:* Слово твоё, солю растворено, и житие твоё, благодатию, преблаженне, сияя, явися, пречудне; темже в вышняя обители, радуясь, вселися еси, Христу со дерзновением ныне предстоя.

*И ныне:* Управляючи, Пречистая, моё житие, к Твоему всеихому пристанищу направи, Бога рождши, благих источника, всем подающа верным нетления благодати.

### *Песнь 8*

*Ирмос:* Пещь иногда огненная в Вавилоне действия разделяше, Божиим велением халдеи опаляющая, верная же орошающая, поющая: благословите, вся дела Господня, Господа.

Преподобне отче наш Димитрие, моли Бога о нас.

Венец благолепен Христос Живодавец на верх твой положи, тезоимените Димитрие, ибо деяньями просиял еси и видении явился еси, зовый: благословите, вся дела Господня, Господа.

Преподобне отче наш Димитрие, моли Бога о нас.

Все прешед чувство, преблаженне, уму первому приблизился еси души твоея чистотою, жития же светлостью, венценосче Димитрие, зовый: благословите, вся дела Господня, Господа.

*Слава:* Желанием зельным, преблаженне, изследил еси Богоносного Сергия великаго житие Божественное, жизни светлостью поревновал еси, прехвальне, быв убо и собеседник сего изряден воистинну.

*И ныне:* Ум безстрастен во утробе Твоей соединяется человеческому уму, Пречистая, плоти же дебелством под летом быв лет превышший. Тем Тя, Богородице, верою и любовью славим.

### *Песнь 9*

*Ирмос:* Безначальна Родителя Сын, Бог и Господь, воплощся от Девы, нам явися омраченная просветити, собрати расточенная. Тем Всепетую Богородицу величаем.

Преподобне отче наш Димитрие, моли Бога о нас.

Пречестный Димитрие, ныне чисто услаждайся и пищу приѣмля паче умныя, идеже собори святых окрест Господа ликуют, блаженне, иже ты ныне чтущия, ходатайствуя, к себе привлецы.

Преподобне отче наш Димитрие, моли Бога о нас.

Прешел еси, радуясь, желанием в рай, к единому воистинну блаженству, к преобладающей доброте, и к жизни воистинну нестаряющейся, и Свету Невечернему, Богосне отче Димитрие.

*Слава:* Яко Солнце просиял еси в монашеских соборех, от младых ногтей освящен был еси, якоже зарю, испущая добродетели твоего жития, пресладкий Димитрие, Богосне отче преподобне.

*И ныне:* Разумевше издалеча прозорливыми очима, пророцы Ты яве провозвестиша, хотящую Матерь быти Вседетелю, Владыце всех, тем Ты, Всепетая, Богородицу исповедуем.